

NA LICU MJESTA: Još jednom o Svjetskom prvenstvu bh. dijaspore

Ni islandski vulkan nije spriječio „Amerikance“ da dođu

Luksemburg opravdao ulogu odličnog domaćina • Ekipe Belgije peti put zaredom šampion • Almir Durić dobio avionsku kartu „BH Airlinesa“

(Specijalno iz Luksemburga)

U organizaciji Svjetskog saveza dijaspore BiH od 23. do 25. aprila u Luksemburgu je održano Sedmo svjetsko prvenstvo bh. dijaspore u malom nogometu. Luksemburg je opravdao ulogu odličnog domaćina.

Učestvovali su selekcije naših građana iz Francuske, Amerike, Austrije, Belgije, Češke, Danske, Engleske, Holandije, Luksemburga, Njemačke, Norveške, Slovenije,

Švedske, Švicarske. Održana je i revijalna utakmica između veterana SSDBiH i domaćina iz Luksemburga.

Nijansu iskusniji

Ni islandski vulkan nije mogao spriječiti selekciju Amerike da dođe na ovo takmičenje. To potvrđuju riječi trenera američke ekipe Emira Mulalića koji nam je po dolasku ispričao: „Dva dana proveli smo na aerodromu u Sent Luisu i nisamo htjeli odustati. Kada su ljudi iz aviokompanije vidjeli da smo uporni, našli

su načina da nas prebace do Brisela. Ovdje smo da konačno skinemo reprezentaciju naših Belgijanaca sa trona.“

Pokazalo se da je trener Mulalić zamalo bio u pravu. Naime, sasvim zasluženo, finalnu utakmicu na prvenstvu odigrale su baš ove dvije ekipe.

Pobijedila je za nijansu iskusnija ekipa Belgije, koja je tako po peti put zaredom postala šampion bh. dijaspore. Naravno, to je zato što su u svojim redovima imali ponovo legendu Muradifa Durića Tarzu,

koji sa svojih 48 godina igra kao mladić i kojem su naši fudbaleri iz Švedske dodijelili priznanje za njegov lični doprinos u dosadašnjim takmičenjima.

Osim Tarze, Belgijanci su ponovo imali najboljeg igrača na turniru, a to je 23-godišnji Almir Durić koji je, osim pobjedničkog pehara i medalje, u Belgiju odnio i avionsku kartu, dar „BH Airlinesa“. Po drugi put zaredom američki golman Ilfan Kudić je preko „bare“ odnio dres našeg reprezentativca Asmira Begovića u kojem je Begović nastupao protiv reprezentacije Gane. Dres je uručio Asmirov otac Amir, nekadašnji golman Leotara, koji je s porodicom mahszud došao na ovo prvenstvo.

Najviše golova postigao je Sony Karlsson, 22-godišnjak čija se majka Jasmina Mulalić iz Prijedora prije rata udala za Sonijevog oca. Pehar za najperspektivnijeg igrača otišao je u ruke 16-godišnjeg Edvina Hodžića iz Linca, juniora Laska, za kojim se već otima pola austrijske



Najbolji igrač Almir Durić u razgovoru s Batom Šišićem



Na izvlačenju parova: Puna dvorana

niji navijač, koji je prisustvovao na svim dosadašnjim takmičenjima. Sve ove poklone uručio je Miralemov otac Fahrudin, čija je porodica dala svoj doprinos u organizaciji takmičenja.

Naš reprezentativac dresovima Liona opremio je reprezentaciju naših građana iz Luksemburga, a i dječaci koji su učestvovali na svečanom otvaranju nosili su Lionove dresove. Sportska oprema, dar Saše Papca, pripala je Ibrahimu Omeroviću, domaćinu iz Luksemburga, koji nije spavao cijeli vikend u želji da bude pri ruci svima. Pehar za fer-play primio je kapiten češke ekipe Mirsad Zjakić.

Treće mjesto i bronzana medalja pripala je podmlađenoj i najbrojnijoj ekipi Austrije koja je na takmičenje došla s prepunim autobusom navijača. U borbi za bronzu savladali su

kmičenju, prošlogodišnji viceprvaci Danska te odlične ekipe Nizozemske i Engleske.

Nažalost, u grupno takmičenje nisu prošli potajni favoriti Njemačka, Slovenija i Norveška, dok je maksimum u grupnom takmičenju dao domaćin Luksemburg, koji zbog redovnog kola luksemburške lige nije mogao računati na najbolji sastav, te Švicarska i Češka.

Osim sportskog takmičenja, u dvorani i oko nje susretali su se stari prijatelji i uspostavljala nova poznanstva. Najbolje navijače imali su Slovenija i Austrija koji su doputovali autobusom i tokom čitavog takmičenja bučno bodrili svoje igrače.

Naša domovina

Na večernjem partiju uz dobru pjesmu svi su navijali za „esade“, pa su tako naše Amerikance prozvali Eso.

Po završetku manifestacije svi su imali samo riječi hvale za organizaciju okupljanja bh. dijaspore koju je ovaj put imala krovna organizacija udruženja građana BiH iz Luksemburga. Svima koji su bili tamo zasigurno će u sjećanju ostati imena vrijednih domaćina Ferida Hodžića, Ibrahima Omerovića, Seada Suljića i drugih, koji su dali ogroman doprinos da ugoste Bosance i Hercegovce iz 14 zemalja. Još jednom pobijedio je sport i naša domovina BiH.

Namik ALIMAŠTOROVIĆ



Zec, Hodžić, Mešan, Husić, Halilović, Omerović i Karišik



Početni udarac izveo Damir Karić (u kolicima)



Sa svečanog otvaranja: Folklor „Evropa“ iz Luksemburga



Francuzi: Prvi put organizirano na takmičenju



Odlična ekipa Engleske



Karlsson, najbolji strijelac sa dresom Pjanića



Suljić i Hodžić: Vrijedni domaćini



Hodžić: Najperspektivniji igrač



Specijalno priznanje za Muradića Durića Tarzu

Na utakmici veterana kilograma i godina nije falilo

Revijalnu utakmicu odigrali su veterani SSD-BiH i domaćini iz Luksemburga. Kilograma i godina nije falilo, a selekciju SSD-BiH obukla je kompanija

Apartmani Pars-Vlasic, vlasništvo košarkaša turske reprezentacije Mirsada Paščanovića i njegovog partnera člana GO SSDBiH Hasana Šehovića iz Turske.



Kudić (najbolji golman) i Begović



Omerović dobio dres Saše Papca



Pehar za fer-play: Mirsad Zjakić (desno)

Komšije iz Sarajeva



Naš dopisnik sa Fišekovićem i Arnautovićem

Na ovom turniru susreli su se stari prijatelji i komšije iz Sarajeva, potpisnik ovih redova te Edib Fišeković koji je za ovu priliku stigao iz Sarajeva u posjetu nekadašnjem

golmanu Želje Senadu Arnautoviću Senti koji trenira golmane luksemburške reprezentacije. Najviše je bilo priče o starih danima i velikom rivalstvu Vrbanjuše i Juga.

Sastav ekipa finalista

Belgija: Erwin, Almir, Semir i Muradif Durić, Asmir Osmanović, Eldin Hadžialagić, Asmir Tanjo, Naser Skezić, Meris Duraković i Enes Čeliković. Amerika: Ilfan Kudić, Almir i Senad Hot, Senad Pehlić, Adnan Šabić, Vedad Alagić, Alen Jujić, Taib Dedić, Elfid Kovačević i Emir Mulalić. Austrija: Adel Kujundžić, Amir Tijanović,

Milorad Čulić, Samir Bajrić, Edvin Hodžić, Emir Bašić, Damir Hevesević, Edin Ališić, Edin Hodžić, Haris Ališić, Amer Šećibović, Mirza Hurem, Nermin Hodžić i Elvis Šibić. Švedska: Dalibor Verzak, Almir Gigović, Adin Zahirović, Denijel Porča, Haris Ramović, Denis Čatović, Eldin Bešić, Sonny Karlsson i Almir Kurtagić.

www.nekretnine-unipromet.com

Ul. Marka Marulića već od **2.100 KM/m² SA PDV**



AKCIJA

- najatraktivnija pozicija novogradnje u Sarajevu
- ugradnja materijala vrhunske kvalitete
- evropske norme građenja po prvi put u Sarajevu
- podzemne garaže direktno povezane liftovima
- agregat za napajanje osnovnih sadržaja objekta
- blizina javnih objekata i saobraćajnica (škole, tržni centri, zdravstveni objekti, sportski stadioni i tereni za rekreaciju, tramvaj, transverzala i glavna saobraćajnica ...)

-najbolja cijena za ono što dobijate uz mogućnost popusta

mogućnost kreditiranja putem Raiffeisen banke do 25 godina, kamata već od 7,59% godišnje

061 - 484 - 568 Nezir, 061- 733 - 956 Samir
033/ 614 - 433 • Ul. Marka Marulića br. 2
nk@unipromet.com, nekretnine@unipromet.com

Uzimamo u račun stare kuće i stanove

